

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 1545 del 10/06/2024

Traduzione in cimbro

Mearar baz 3 mildjü vor in ratbege Folgrait-Lusérn

[Cimbro] Untargelekk 3.078.339,37 euro vor in Kamòu vo Folgrait zo macha in ratbege sin atz Lusérn, ummadar von toaln von sèll boda bart pintn da zimbar hoachebene pittar sèlln von Simm kamöündern vürgelekk von akòrd zbisnen dar autonome Provìntz vo Tria un di Redjong Veneto, nützante 'z gèlt boda iz untargelekk vor di Kamöü auz nå in provintziàln konfin. Ditza machta auz di delibera, vorgelekk von provintziàl asesór vor di låntschafft, auzohalta di trentinar produkte, umbèlt, vorz bazzar un lånt emtar un ågenump vodar Djunta atz 7 von prachant.

Pitt disan provedimént gèttma zuar an schütz vor an gântz bichtegen prodjèkt vor an turismo un a mobilitét boma mage no auhaltn un zo pinta di hoachebene pitt soìn nachparn von Veneto, asó hatta khött dar asesór vor di låntschafft, auzohalta di trentinar produkte, umbèlt, vorz bazzar un lånt emtar. An arbat boda steat drinn in an gröazarn prodjèkt boda hatt 'z zil zo pinta di lentar un vürgetrakk pittnåndar pinn Kamöünder boda soìn auz nå in konfi von Trentino un di Redjong Veneto, asó hatta no khött dar asesór.

Übarsetzt von Schaltarle vor di zung von Toalkamou vodar Zimbar Hoachebene

(cdt)